

Norsk institutt for naturforskning
Postboks 5685 Torgarden
7485 Trondheim

Trondheim, 12.07.2021

Dykkar ref.:

Vår ref. (bes oppgitt ved svar):
2021/8102

Sakshandsamar:
Karen Lone

Løyve til innfanging, flytting og innsetting av fjellrevkvalpar i avlsstasjon for fjellrev

Vi viser til søknaden frå NINA ved Craig Jackson datert 11. juli 2021.

Vedtak

Med heimel i forskrift 1. april 2020 om skadefelling, dødt vilt og bruk av vilt i oppdrett, forskning og dyrepark, gjevast NINA ved Craig Jackson løyve til innfanging, flytting og innsetting av inntil fire – 4 – fjellrevkvalpar til avlsstasjonen for fjellrev på Oppdal.

Følgande vilkår gjeld for løyvet

- Løyvet gjeld frå 19. juli til 19. august 2021, og gjeld innfanging av inntil fire fjellrevkvalpar. Fangstforsøk skal kun skje på følgande hilokalitetar i Saltdal kommune i Nordland, registrert i Rovbase: F-NNO-075; F-NNO-078; F-NNO-080.
- Craig Jackson gjevast fullmakt til å la andre utføre fangsten på sine vegne. Fullmakta til å utføre fangsten skal vere skriftleg og syne til dette løyvet. Dette løyvet, samt evt. fullmakt, skal alltid tas med under fangst/merking, og vises fram på førespurnad til grunneigar, kommune, Statens naturoppsyn og politi, jf. viltforskrifta § 2-2.
- Det er ein føresetnad at innfanging og bruk av fangstreiskapar gjerast av personar som har nødvendig opplæring for innfanging og merking av fjellrev. Fangstreiskapar skal merkast med navn og telefonnummer når dei dei satt ut, også når dei ikkje er i bruk, jf. viltforskrifta § 2-12.
- Vaksne fjellrev som går i fella under fangstforsøka, eller kvalpar som av ulike årsakar ikkje er dei rette individa for å setje inn i avl, skal setjast fri på staden og reknast ikkje med i totalen på fire dyr.
- Alle nødvendige løyve frå Mattilsynet og aktuelle vernemyndigheitar må liggje føre før innfanging tar til.

- Fangst må varslast og koordinerast med SNO/Fjelltjenesten. Grunneigar skal varslast før aktiviteten finn stad, jf. viltforskrifta § 2-13.
- Ein kortfatta oppsummering av resultatet frå fangsten og andre vesentlege hendingar relatert til innfanginga og transporten skal rapporterast til Miljødirektoratet, og også omtalast i rapporten frå Avlsprogrammet for fjellrev for perioden 2021-2023.

Kort om bakgrunnen for saka

NINA ved Craig Jackson driv avlstasjonen for fjellrev i Oppdal på oppdrag frå Miljødirektoratet. I avlstasjonen er det jamnleg behov for å rekruttere nye avlsdyr, blant anna ved fangst av villfødde kvalpar.

NINA søkte om fangst av inntil 4 fjellrevvalpar frå tre hi i Saltfjellet kommune i perioden 19.juli til 19.august 2021.

NINA har tidlegare orientert Miljødirektoratet om behovet for nye avlsdyr i 2021. I telefonsamtale med Karen Lone 10. juli orienterte Craig Jackson om kvifor hia på Saltfjellet er godt eigna med tanke på genetiske linjer og eigenskapar til avlen og praktisk gjennomføring av fangsten for å lukkast med å fange dei rette individa.

Vurderingane til Miljødirektoratet

Søknaden er behandla etter forskrift 1. april 2020 om skadefelling, dødt vilt og bruk av vilt i oppdrett, forskning og dyrepark (viltforskrifta), jf. også lov 19. juni 2009 om forvaltning av naturens mangfold (naturmangfoldloven), § 18 f, samt forskrift 23. januar 2015 om fjellrev (*Vulpes lagopus*) som prioritert art.

Det er søkt om innfanging av fjellrev til avlstasjonen for fjellrev. Dette faller under bestemmelsen om innfanging av vilt til andre særlege formål, noko Miljødirektoratets kan gje løyve til, jf. viltforskrifta § 2-2 første ledd. I viltforskrifta § 2-11 andre ledd står det: *"Når søknaden avgjøres skal det særlig legges vekt på formål og behov for innfangingen, bestandssituasjonen, dyrevelferd for dyret og dets avkom, mulige virkninger på naturmangfoldet og andre samfunnsmessige hensyn"*.

Etter naturmangfoldlova § 7 skal prinsippa i lovas §§ 8 til 12 leggest til grunn som retningslinjer ved utøving av offentleg mynde. Offentlege avgjerder som kan få følgjer for naturmangfoldet skal så langt det er rimeleg byggje på eksisterande og tilgjengeleg kunnskap om artars bestandssituasjon samt effekten av påverknad, jf. naturmangfoldlova § 8.

Avlstasjonen vart oppretta i 2005 og har som formål å avle fram fjellrev for seinare utsetting i område der arten er utdøydd eller er fåtalig. Det har typisk blitt produsert 20 – 60 kvalpar for utsetting årleg, noko som gjev eit monaleg bidrag til den ville fjellrevbestanden. Avlsprogrammet

fungerer også som ein buffer mot tap av genetisk variasjon. Dei fyrste avlspara er henta som kvalpar frå alle restbestandene av fjellrev, og gjenspeiler heile den genetiske variasjonen hos fjellrev i Skandinavia. Planmessig utsetting vil derfor også bidra til å auke genetisk utveksling og motvirke genetisk isolasjon. Avlsprogrammet rekrutterer nye generasjonar med avlsdyr frå eigen produksjon, men har også behov for å fange inn nye dyr frå naturen for å vidareføre og oppnå god effekt av tiltaket med avl og utsetting. Behovet og formålet med avlsprogrammet er særleg vektlagt i behandlinga av søknaden, jf. viltforskrifta § 2-11.

Avlsprogrammet har før årets rekruttering av avlsdyr lagt vekt på auka selektivitet i val av avlsdyr, blant anna å unngå å ta inn kvalpar frå små kull, og å ta inn fleire kvite dyr, då ein i dag har overvekt av blå revar i stasjonen og blant kvalpane som produserast. Ein har også sett på geografisk fordeling, slektskap og genetikk. Kvalpar frå hia på Saltfjellet skal vere godt eigna med tanke på genetiske linjer og eigenskapar til avlen. Det er også eit område med stabil og vedvarande aktivitet på fleire gode hilokalitetar, og fangst av fire kvalpar i år ikkje vil være kritisk for denne bestanden.

Dei positive verknadane av avlsarbeidet for fjellrevbestanden gjev grunnlag for å dispensere frå det generelle forbodet mot einkvar form for uttak av fjellrev, jf. § 3 i forskrift 23. januar 2015 om fjellrev (*Vulpes lagopus*) som prioritert art. Miljødirektoratet dispenserer frå § 3 med heimel i § 6 i same forskrift, når det her innvilgast løyve til innfangning.

Direktoratet vurderer naturmangfaldlova §§ 9, 11 og 12 som ivaretatt i kraft av formålet med avlsstasjonen og vilkåra i løyvet.

Klagerett

Klagefristen er tre veker frå dette brevet blei mottatt. Klagen skal sendast til Miljødirektoratet.

Helsing
Miljødirektoratet

Dette dokumentet er elektronisk godkjend

Knut Morten Vangen
seksjonsleiar

Karen Lone
seniorrådgjevar

Tenk miljø - vel digital postkasse frå e-Boks eller Digipost på www.norge.no.